

同文書局股印圖書集成二十四史啓

——一八八四年（光緒十年）

股印古今圖書集成啓

書籍之興，由來已久。唐宋以降，類書漸行，宋太宗首詔羣臣搜羅典籍，同時所纂如太平御覽、冊府元龜、文苑英華三書，各盈千卷，藝林傳爲佳話，然於掌故、詞章，各從一類，弗能兼也。明成祖則有永樂大典之舉，本末兼賅，事物畢備，惟是體例蕪雜，卷帙浩繁，終明之世，未嘗頒行。若我聖祖仁皇帝欽定古今圖書集成，凡爲卷一萬，爲冊五千零二十，爲案四十二萬六千三百零四，爲典三十有二，分部六千一百零九，爲圖八千零四十一，經兩朝聖主之心傳，彙千百文臣所手錄，洵千秋之至寶，亦六合之奇觀矣。恭聞是書初成，以活字銅版排印不踰百部，當時惟親王大臣及總裁是書者各賜一部，餘皆藏之內府；其後乾隆中葉，詔於揚州、鎮江、杭州三閣，各以一部分貯，又海內之獻書較多者范氏、鮑氏、汪氏、馬氏四家，亦各賜一部，他無聞矣。兵燹以來，四家之書半多散佚，而三閣所藏則蕩然無一存者，由是士林之欲見是書也難矣。本局現以萬餘金購得白紙者一部，用以縮印；又以六千金購得竹紙者一部，用以備校，約兩年爲期，其工可竣。去年曾經啓知，以招印一千五百股爲額，並呈書樣四式，嗣蒙諸大雅示復，皆以字大行疏，每部三百六十

兩者爲最，本局謹遵衆論，卽照三百六十兩樣本開辦。凡來認股者，先交半價銀一百八十兩爲定，一俟目錄告成之日，再登申報通知在股諸君來取目錄，卽將所餘半價繳足，本局並發分次取書單三十二紙，以後各典續出，隨出隨取，俾臻兩便。目前股份尙未足數，如欲購是書者，尙祈及早惠臨，庶幾股額早滿，蒞事亦速，是所厚望焉。

股印二十四史啓

自汲古閣有十七史之刻，後世據爲善本，然於南北二史、舊唐書、舊五代史、遼金二史，付之闕如。而國朝所修明史，卷帙繁富，外間尙無單行本，大率以橫雲山人明史稿備數，故欲窺全史者非殿版不可；而殿版又非乾隆初印不可，蓋重修晚出之本，往往漸失其真，不足貴也。道光以前，累世承平，人文蔚起，通都大邑，必有庋藏全史，以備大雅觀摩者；兵燹而後，斯文浩劫，志學之士欲求全史而讀之，蓋有登天之難焉。本局現以二千八百五十金購得乾隆初印開化紙全史一部，計七百十一本，不敢私爲己有，願與同好共之，擬用石印，較原版略縮，本數則仍其舊。如有願得是書者，預交英洋壹百元，掣取收條，並分次取書單念四紙，各史隨出隨取，兩得其便。現經添設汽爐，日不停杼，較諸人力尤爲敏捷。陳書、史記、前漢等書旣已告成，後漢書及三國志俱可計日而就。目前股份尙未足數，欲購者請早來局認取股單；若俟各史迭出，股額足數，卽行截止矣。此啓。

● 同文書局係粵人徐鴻甫、徐雨之創辦，於一八八一年（光緒七年）成立，設印刷廠於上海西華德路。影印圖書除古今圖書集成、二十四史兩鉅著外，尚有佩文韻府、通鑑輯覽、殿本子史精華、康熙字典、彙文六經四書及諸書小品畫譜、快雪堂法書等字畫碑帖，與當時英商美查主辦的點石齋並駕齊驅。後徐雨之又別設鉛印書局曰廣百宋齋。

「殿印」即後來習用的「預約」。

● 錢基博版本通義：「光緒間，泰西石印法初傳至中國時，粵之徐氏創同文書局，印精本書籍；最著名者為覆印武英殿二十四史，皆全張付印。徒以所得非初印本，字蹟漫漶，乃延人描使明顯，便於付印；又書手非通人，遇字不可解者，輒改以臆，謬誤百出。尤可笑者，自言所據乾隆四年本，而不知四年所刻，固無舊五代史，又未見乾隆四十九年殿本，輒依殿板行款，別寫一通，板心亦題乾隆四年，書估無識，有如此者。然世乃以字蹟清朗，稱為佳本。竹節齋印二十四史，沿用同文書局本，故錯字一仍其舊。」

譯印西文地圖公會章程①

鄭代鈞

——一八九六年（光緒二十二年）

蒙所見華文地球各國輿圖有瀛寰志略本，海國圖志本，製造局地球圖本，皆照西人原圖譯出，然展轉繪刻，不無差移；且分率過小，山川形勢僅得彷彿。近日坊間所印萬國輿圖及中外地輿圖說，尤為疏陋，蓋書賈射利之作，不足責也。蒙昔年隨使英法，購得德意志人所作圖本，方尺之幅

百紙，精絕冠泰西，於天下各國皆備，惟歐洲各國則其詳，餘尙嫌略。乃悉意搜單行之幅，得俄人所作中亞西亞、西比利亞二圖，英人所作印度、緬甸、暹羅及北亞美利加、南阿非利加等圖，法人所作越南圖，德人所作南洋羣島圖、阿非利加洲圖，均稱精詳，足補圖本之缺。茲不揣固陋，擬以圖本爲底稿，其略者則增入。各單幅盡行譯繪，付之石印。比例略歸一律，以中尺二寸爲一度，合一百八十萬分地周之一。（阿非利加、南亞美利加，地多荒漠，西人所作圖亦不甚詳，擬用中尺一寸爲一度，合三百六十萬分地周之一）。以京師中綫爲起數，市鎮滿五百人者載之。險惡均載。約南北一尺，東西一尺四寸之幅，四百餘紙。又內地直省地圖，擬用胡文忠全圖爲底本，而以本公會所藏近今中外測定各種新圖：如江蘇書局本，江甯、江蘇兩藩司地圖，同治五年刊本廣東地圖，湖南通志本湖南地圖，江西通志本江西地圖，浙江新測會典本浙江地圖，湖北新測會典本湖北地圖（會典本地圖現惟浙江湖北印出），光緒十六年本三省黃河圖，德意志人所作直隸、盛京、山東、山西、河南、陝西六省地圖，英吉利海部本盛京、直隸、浙江、福建、廣東七省圖，又長江、白河、江西等圖參訂湖圖，誤者改之，略者增之，並不惜重貲，託友人於京師將各省業經咨呈會典館圖稿，摹繪一分，以資參訂。分省爲圖，其分率較外國圖大倍之，以四寸爲一度，幅數殆二百紙，合計六百幅。於天下山川險要，道路遠近，海口形勢，可一覽無餘，似爲當今切要。惟工程浩大，需費頗鉅，非一人之力所能辦。謹將圖目並招股章程列後，凡我同志，幸爲將伯之助。

一、圖目 大地平方總圖 一幅 亞西亞洲總圖 一幅 東三省、蒙古、新疆兼俄羅斯亞洲地圖百